

Vacanzas sin il bain puril daventan adina pli popularas

■ (cc) Il chantun Grischun è sin la meglra via da surpigliar ina rolla directiva en l'agroturissem svizzer. Gia 120 purschiders d'agroturissem sa preschentan sin la plattform da reclama graubuenden.ch/bauernhof. Uschia èn var 50 fin 60% da tut ils purschiders da vacanzas sin bains purils grischuns online. Ils 14 da mars ha lieu en il Plantahof a Landquart la dieta d'agroturissem annuala. Vacanzas sin il bain puril e durmir en il strom vegnan mess a pèr cun vacanzas en ina natira intacta, en contact cun animals e cun plantas. Las visitadras ed ils visitaders han la pussaivladad d'emprender ad enconuscher la «vita purila simpla», da viver in pèr dis cun la famiglia da purs, da far sezzas u sezz tschertas lavurs e da chattar sazez cun renunziar sapientivamain al luxus. Products dal bain puril resp. spezialitads regiunalas daventan adina pli po-

pulars e vegnan tschertgads adina pli savens. Il chantun Grischun vulesc prender ina posiziun directiva en l'agroturissem da la Svizra. Cun endrizzar in secretariat ha il chantun Grischun creà mez da l'onn 2011 in post da consultaziun cuminaivel per puras e per purs, ma er per l'hotellaria, per la gastronomia e per organisaziuns turisticas.

Actualmain sa preschentan var 120 manaschis grischuns che porschan in agroturissem sin la plattform da reclama www.graubuenden.ch/bauernhof ch'è vegnida sviluppada da nov. Uschia èn var 50 fin 60% dals purschiders professiunals grischuns online. L'agroturissem dat a famiglias da purs la pussaivladad da realisar entradas supplementaras. Bliers mussan excellentamain ils avantatgs da lur bains purils e sa fan per part valair cun purschidas originalas. Latiers tutgan concepts extraordinaris da vacan-

zas sco il pernottar en jurtas mongolas, en tipis u en chars da vitgira, trekking cun animals ed ina festa patgifica sin in'alp d'aventura. Il factur cuminaivel da questas purschidas è ina maschaida d'ina cumparsa professiunala e d'ina ospitalitad purila genuina. Manaschis, dals quals las purschidas na figureschan anc betg sin quella plattform, èn envidads da s'annunziar per daventar uschia meglie visibels e cudeschabels.

La gievgia, ils 14 da mars 2013 ha lieu la dieta d'agroturissem annuala da las duas branschas «agricultura» e «turissem» gia per la tschintgavla giada. Al Plantahof a Landquart sa scuntran puras e purs cun turisticas e turisticers per discutir las sinergias da l'agricultura e dal turissem.

Davart quest tema stat a disposiziun in video [sut www.gr.ch](http://www.gr.ch)



Vacanzas sin il bain puril e durmir en il strom vegnan mess a pèr cun vacanzas en ina natira intacta, en contact cun animals e cun plantas.